

xit. Nam post magnas expensas filium naturalem, quem praeferat, ex insidiis interceptum canibus objecerunt Hibernici; cuius immanitatis poenas perditissimi illi postea gravissimas perfolverunt, interfecti, & lupis in praedam dati. Supra *Ardes* ad Occasum Australior *Clane-boy*, id est, *Gens Flava*, vel *Tribus Hugonis Flavi*, ut ipsi interpretantur, satis sylvestris expanditur usque ad sinum *Knock-Fergus* à tribu *Nigellorum* sive *Neale* occupata, & extrema habetur Comitatus *Down* regiuncula.

Claneboy
superior.

COMITATUS ANTRIM.



Roximus Comitatus *Louth* Septentriones versus *Antrim* Comitatus succedit, denominatus ab *Antrim* opidulo omnino ignobili nisi nomen regioni impertisset universae, quae inter sinum *Knoc-Fergus*, *Lacum Eaugh*, & *Ban* fluvius interfidet. Sinus ille *Knoc-Fergus*, qui Ptolemaeo *VINDERIVS*, nomen ab imposito opido tulit, oppidumque quod Angli *Knoc-Fergus*, Hibernici *Carig Fergus*, id est, *Scopulus Fergusii*, vocant, à *Fergusio* illo nominatissimo qui Scotos ex Hibernia in Britanniam primus duxit, ibi submerso. Celebre vero praeter ceteris in hac ora est ex portus opportunitate, suis munimentis licet imperfectis, castello rupi edita infixo, praesidiaria cohorte quae regionem in officio continet, & Palatio antiquo quod in armamentarium jam conversum. Iuxta jacet *Clane-boy inferior*, quae *O-Nealorum* etiam habitatio, nequissimi rebellis *Shani* sive *Ioannis O-Neal* fato insignis, qui post varias direptiones una & altera pugna *Henrici Sidney* Proregis auspiciis fractus, eo adactus, ut cum capitulo collo injecto crimen deprecaturus Proregem adire cogitaverit; sed persuasus à *Scriba* ut prius à *Scotis* quibusdam insularis qui hic praedabundi castra posuerant sub *Alexandro Oge*, opem peteret, ad eos accessit, à quibus amice acceptus & statim cum suis casus in vindictam cognatorum quos ille interfecerat. Cujus morte sopito bello, & ipso cum omnibus qui ejus signa sequuti proscripto, hanc *Claneboy R.* *Elizabetha* donavit *Gualtero D'evereux* Comiti *Essexiae* qui huc transmisit, nescio an aulicis artibus specie honoris (Gubernator enim *Ultoniae*, & *Marescallus* *Hiberniae* designatus erat) in regionem semper rebellem & indomitam ablegatus. Dum autem magna vi pecuniarum profusa, hanc in ordinem redigere conatus, multis domique bellicae confectatus difficultatibus immaturo fato praereptus incredibile sui desiderium bonis, & hanc regionem *O-Nealis* & *Briano Carragh*, è *Mac-Conellorum* stirpe reliquit, qui de principatu mutuis caedibus inter

Knoc-
Fergus.

Claneboy
inferior.

se jam inde desavierunt. Iuxta *Knoc-Fergus* peninsula tenui cervice continenti adnectitur, quae tamen *Insula Magie* dicitur & quatuor mill. pass. longitudine, latitudine unum colligit, crediturque à nonnullis in hac floruisse monasterium illud *Magio* à *Beda* laudatum, de quo superius in Comitatu *Majo* meminimus.

Isle of
Magie.

Glinnes deinde, id est, *Convalles* ad malefidam stationem *Olderfleet* incipiunt, & longo tractu mari objecta procurrunt. Spectavit haec regio quondam ad *Bissetos* è *Scotia* nobiles qui cum *Patricium Atholia* Comitem ob privatas simultates sustulissent, huc exulatum venerunt, & terras beneficio *Henrici Tertii* Regis *Angliae* hic acceperunt. *Ioannes* enim *Bisset* qui diem obiit primis *Edwardi Primi* annis amplas hic habuit possessiones, & sub *Edwardo Secundo* *Hugo Bisset* ab rebellionem nonnullis excidit. Patrum vero temporibus *Scoto-Hiberni* abactores è *Cantira* & *Hebridibus* invaserunt duce *Iacobo Mac-Conell* Domino *Cantira* in *Scotia*, qui repetito à *Bissetis* jure vendicavit. Verum illos duce occiso, facile profligavit *Shanus O-Nealus*. Reversi tamen denuo sunt, & hoc in tractu latrocinia immaniter exercuerunt, seditionesque foverunt, donec nuperrime *Hiberniae* Prorex *Ioannes Perrot* primum *Donel Goran* qui occisus à *Richardo Binghamo* cum fratre *Alexandro* in *Conachtia*, & postea *Agnum Mac-Conell* filios *Iacobi Mac-Conell* eo adegit, ut se in *Reginae Angliae* fidem permiserint, & beneficiario jure agrum hunc ab illa tenendum precario sub quibusdam conditionibus acceperint, scilicet ne cui alteri quam *Regibus Angliae* in *Hibernia* militarent, certum boum, & accipitrum numerum quottannis redderent, &c.

Glinnes.

Bisset.

Iacobus
Mac-Conell.

Supra haec usque ad *Bannam* fluvium *Rowte* tractus dicitur sedes *Mac-Guilliorum*, non obscura apud suos familia, quam tamen *Insularum* *Scotorum* violentia & continua depradatio in angustum angulum protrusit. *Surley* enim *Boy*, id est, *Carolus Flavius*, frater *Iacobi Mac-Conell* qui *Glinnes* occupavit, hanc etiam sui quodammodo juris fecit, donec *Ioannes Perrot* Prorex quem dixi, expugnato castro *Donluse*, firmissimo munimento rupi infixo quae mari imminet, & à terra fossa profunda abjuncto, eum cum suis expulerit. Quod tamen ille anno insequenti prodicione, *Cario Praefecto* qui se strenue defendit, occiso recuperavit. Prorex autem missio in illum *Merimano* ductore militum spectato qui duos *Iacobi Mac-Conell* filios, & *Alexandrum* hujus filium occidit, ita exagitavit & armenta quae illi solae divitiae, (quinquaginta enim vaccarum millia in peculio numeravit) abegit, ut *Surley Boy Donluse* redderet, *Dubliniam* adiret, & in *Cathedrali Ecclesia* se publice submitteret, libellum supplicem misericordiam implorans exhiberet, deinde

The
Rowte.
Mac Guilly.

Surley
Boy qui
& Chairly
Boy.

Donluse.